

三松堂集

三松堂集卷十三

始己未冬  
至庚申秋

吳縣潘奕雋榕皋

十月八日范芝巖編修芳谷司馬招同吳穀人

侍讀郭曉泉編修飲白公祠時穀人將入都

挈榼飛觥不記巡歸田舊雨最情親同舟況復迎仙侶

促席何妨中聖人

曉泉爲穀人庚戌會  
試所得士同舟而至

到眼秋山還澹

蕩沿隄霜蕊正鮮新升沈進退君休問贏得尊前現在

身

畫舫聯翩繫白祠石闌徙倚日斜時相看各有多生習

此別能無兩地思好詠新詩傳韻事最慙小戶怯深卮

榜人莫道歸途晚街鼓沉沉正未遲

十月九日招穀人星橋芝巖曉泉芳谷集三松  
堂翼日星橋復招飲芝巖復用前韻和次二  
首一贈星橋一送穀人入都

分曹射覆不依巡白首心朋誼更親此處寬閒原有地  
吾儕冷熱肯因人右軍筆到休官老玉局詩從過嶺新  
莫爲浮生增百感且將雲水樂吟身

別筵昨日白公祠攬袂今朝是去時布韞青鞵容嘯傲  
玉堂金殿待論思加餐遠信憑雙鯉披膈連宵拌百  
卮笑指山頭雲天矯爲余離岫尙遲遲

十月二十日芝巖芝岡默齋小飲三松堂復用

巡字韻

算是銷寒第一巡  
衰年要與酒懷親  
聊嘗秋末春初味  
來喚街南巷北人  
霜入籬花香自遠  
月搖簷竹韻逾新  
蛤蜊可食君須食  
同作優游物外身

西風昨入子游祠  
又到蕭森落木時  
有限光陰宜共惜  
無窮塵事莫深思  
閒消白日憑書卷  
暫博朱顏仗酒卮  
醉裏微吟聊自適  
那須殘錦乞邱遲

錢梅溪梅花溪上圖

梅溪住梅里  
繞屋種梅花  
憶坐黃昏月  
枝枝疎影斜

西溪西去路來往我年年何日從君住吟香抱影眠

養竹山房圖爲錢梅溪尊甫錦翁題時翁已下

世

高人抱節江村臥繞屋簷簷手自栽碎影三春搖細雨  
新泥一夜圻輕雷於今落落風標在會聽蕭蕭玉韻來  
他日西溪閒放艇幽扉可許爲余開

題畫

霜塍極目淡斜暉一片寒鴉接翅飛爲語忍飢松下鶴  
此生莫羨稻粱肥

病樹

十年曾作計一畝望餘陰無復雲霄意誰憐勁直心嶧  
桐已百尺社櫟亦千尋笑爾支離態山中歲月深

舊井

舊井無人汲波瀾永不興地甯瑤殿廢居憶仲宣曾村  
遠愁貧女厨荒哀病僧莫言闌半缺亦足漑秋塍

閒田

虞芮竟無爭平田廢不耕農還愁未飽天亦惜新晴脈  
脈膏初動離離草又生鄰家犂犂确猶得獻蕪菁

老馬

伏櫪有何怨鹽車力已殫無心戀苜蓿直恐老雕鞍草

盡朔風緊林深落日寒王良天上去碑兀歎皮乾

古硯

古樸傳家硯摩挲舊有銘自憐守是黑不敢眼邀青世  
或嗤方板吾能寫性靈惟應依淨几相伴老元亭

敝袍

黯淡稱身長曳婁卅載強從來知冷暖未肯怨炎涼袖  
漬邊關雪襟餘畫省香錦袍原可貴莫便羨東方

廢絃

爾說貽園客聲曾叶鳳皇昭文今不鼓陶令但持觴天  
遠鴻初去窗虛月自涼鍾期嗟已矣誰復聽高張

退筆

五色今無色勞生太苦辛  
消磨閒裏歲孤負夢中人  
埽處知無敵拈來尙有神  
蘭亭如許敘內史或前身

村居

辟穀無方學耦耕  
幽居地僻少逢迎  
老夫飽飯閒拖杖  
來聽村村打稻聲

柳湖雲舫圖爲王述庵前輩

巨川濟了作虛舟  
進退昇平得自由  
茶竈筆牀安頓好  
綠陰濃處看浮鷗

恩許抽簪作散仙  
潞河晴暖柳含煙  
紅旗黃紙前塵遠



畫舫青帘樂事偏

若箇浮生肯息機  
抽帆直指舊漁磯  
笑他名輩空畱語  
鳥入青雲倦亦飛

白衣蒼狗任紛紛  
十載閒看嶺上雲  
蓑笠倘容同泛宅  
五湖煙水欲平分

雪夜

雪屋寒燈燄不明  
擁衾孤坐欲三更  
窗虛側想穿簾影  
院靜惟聞瀉竹聲  
緘恨新詩吟未穩  
到心往事夢難成  
軍持凍合梅花冷  
難與桃根喻此情

時吳興君下  
世年餘矣

正月二十五日默齋招飲一枝軒

春雪纔融徑辛盤又引觴相從曲室語不怪次公狂身  
健門常閉窗明日漸長羨君眼似月一卷手丹黃

卅載交情密忘形任滑稽達看同輩宦穩但一枝棲環  
几梅花放依檐竹蔭齊高齋幽意足不必到潭西

時邀同遊

鄧尉不果故云

### 芝巖招飲卽席二首

名園割洽隱

園爲明歸太學洽隱園之半

勝日許招尋入坐無生客

銜杯散鬱襟水軒宜洗硯風磴可橫琴只合林居子干

焉來盍簪

高館依疎柳方亭面古薇魚應知凍解鳥亦喜春歸徑

熟經過密年增筋力非神仙原可學第一要忘機

余築生壙於陸墓山下於其東偏營葺丙舍數

椽清流環映碧嶂屏擁頗有幽致題曰綠晦

山房庚申二月來此信宿得詩六首

越來溪上路放艇自年年小築依生壙開軒面墓田炊

煙樵客舍帆影太湖船莫笑耽幽寂吾將簡世緣

東風吹草綠宰樹亦回春小住頻來我長眠早有人了

知身是寄誰識夢非真信宿遺塵慮悠然悟夙因

疊巘青浮案晴澗碧上襟泉能忘世味鳥本息機心笠

聚東菑影榔鳴隔浦音何當約回老來此坐橫琴

山人呂修

林善琴屢訂  
來游未果

西成看穫稻俯仰又春耕物態閒中覺風光暗裏更退  
身宜用拙晚歲識尊生慚愧鄰翁語吟詩是近名

我友巖棲近泉聲聽畫眉貽花爲洗俗饋藥與扶衰論

曠吾能領才高世或嗤從今成二老來往不須期

友人徐榆

村有名花妙藥之贈近在畫眉泉時相過從

傍水先栽柳編籬待引瓜窗虛移短榻几淨讀南華嶺  
樹濃陰台人煙遠岸斜漁郎莫誤問也擬種桃花

黃堯圃移居擔書圖

綠陰遶舍晝沉沉傍架齊籤走白蟬一笑奚奴眞解事

不妨人喚作書淫

炳燭餘齡習未除  
摩挲老眼注蟲魚  
攜筇暇日還乘興  
竹屋來讐善本書

白雲精舍見壁間陳古華太守唐陶山明府和  
余贈一峰上人詩二首復用前韻寄東並東

支山

晴欄當翠巘復此酌天泉  
覓句猶餘習逢僧不語禪  
澗聲疑過雨嵐影欲沉煙  
待約蕭閒侶重聯翰墨緣  
池邊甚茂一峰約於秋間入山看花故云

何亭小憩

入山此孔道閉戶境偏幽時有春人過能令文士畱

壁間

有王述葬劉崧嶺吳蘭雪諸君題詠檐前花自放檻外水長流憶其參寥

坐驚心歲月道

時雪舟禪師已化去

題畫菊

不共天桃鬪艷春漫隨蕢蕢長泥塵西風三徑霜華冷  
誰向東籬問故人

黃蕘圃孝廉招同吳玉松汪澣雲蔣賓嶠夏方

米沈書三周香巖李子仙顧澗蘋袁壽階共

飲牡丹花下分韻得青字

高齋花正好延客啟疎櫺素簡發古艷幽魂畱餘馨

蕘圃

出示家藏宋本各種客攜趙忠毅公鐵如意周孝子茂蘭血疏傳觀色甯輸玉蕊聲已屏  
秦青文飲真堪樂無妨微雨零

客有獻鼈者思放之芝巖以爲不如烹之遂以  
相餽芝巖仍放諸河作詩索和次韻一首

書生無寸權何能談利物饋生思畜池恐墮校人術然  
而此心萌培之不敢失君家鄰大河生意日洋溢爲開  
甘露門會般遮於瑟遂使刀俎脫頓就波濤汨死生俄  
頃間機轉如箭疾其樂不可支其德筆難述持此慈悲  
心可以質我佛作詩寄神守

鼈一名神守

勿再隨綸出

芝巖來詩有悔失言之語前詩意猶未盡復次

一首

去醜著於經髓本厨中物見生不忍死遠庖有仁術前  
言戲之耳而亦未爲失臺餽君不標喜氣眉宇溢夙根  
具菩提微命憐縮瑟開網縱諸河一一澄波汨吾願慚  
不堅君機轉何疾作詩記始末莫與腐儒述腐儒識迂  
拘或謂是佞佛大哉善同人恩何必已出

小園春憩圖爲瞿遠村

春風昨夜來南園春波澹沱搖江村春雲掩藹覆春樹  
春花高下香溫麝人間汨汨精神散誰肯抽身閒處憩  
卜築知君瀟灑心天真不受塵緣蔽滋蘭堂外嵐翠濃



濯纓閣下晴光浴滌煩不異茱萸泝遠俗何如雲錦淙  
我老耽幽思小築寤言空自吟邁軸那有香山五畝園  
但栽庾信三竿竹科頭時復來君家相從溪上斟流霞  
他日城南傳勝事須知對酒最宜花

用白樂天尚齒  
會中吉皎詩意

青溪書院十景詩

青溪一曲

清溪不可唾淨淥生微淪我欲泛杯湖路長難問津惟  
應攜簪笠來此從元真

五峰拱翠

晴光上書帷嵐翠落硯几五峰遠近列一一皆可指定

有眼雲人臨風企遐軌

雉堞連雲

南門景物美雉堞凌晴空  
莘莘絃誦人游息於焉同  
斜川緬曾城遙情契春風

煙村杳靄

碧漲浸柴門江村春事晚  
煙林杳靄中一角露晴巘  
安得襄陽翁短幅畫平遠

遠浦雲帆

江城積雨後三徑生莓苔  
漠漠雲中颿冥冥天際開  
呼童淪新茗應有良朋來

禮門桃李

禮門清且謐化雨當春滋植根貴深堅擢秀皆殊姿寄  
言育材者無使長茨施

芸籤小閣

讀書如游山深淺皆可樂苟能破萬卷胸自具邱壑試  
問厯層巒何如坐小閣

講院梧陰

夏材欣得地特立由天成薰風送微涼高館延餘清何  
須橫綠綺自有雛階聲

層樓釋菜

層樓緬三楹釋菜歲集此先儒去已遙遺編有微旨莫  
但希經明拾芥誇青紫

紺塔凌雲

招提涌窳堵萬景澄新秋世網信不嬰雲表可以游霜  
鐘醒塵夢明日尋湯休

題自寫蘭

委風自舒香俯溪獨憐影深崖爛漫春付與樵人領  
飛瓊散天香獨秀層巖側守墨自含芳不隨眾草碧

苦雨和支山韻

虛館偏耽寂經旬但掩扉壞牆蟲引篆敲樹水生衣

說文

苔水衣少陵詩  
歸楫生衣臥

徑溼人難過林深蝶不飛遙知高閣底

新漲已平磯

晚晴疊韻

密林含宿霧返照上柴扉竹色淨侵几桐花香墮衣蜂  
還覓蕊抱燕已掠波飛便想攜藤杖衝泥坐釣磯

聞馮星實鴻臚王翠庭廉訪先後辭世詩以志

悼馮家於禾王官於陝

雨暗三青牖雲沉大漏天素書開昨日

余于四月二十日接星實手書

紅旆望經年

翠庭於去年遷浙臬畱軍營未赴任

露電增新慨行藏憶舊

緣浮生同一軌薪火可能傳

莊子有薪窮火傳不知其盡之說余謂前薪非後薪

此火究非彼火佛家有夙世之言史書亦有再生之事而不常見蓋人之神氣其靜定而得所養者偶或散而仍聚如宿草之再茁其馳驚而耗散者便漸滅無餘如陳根之就萎耳山川出雲雲蒸成雨雨化爲水水復歸海造化升降一氣鼓盪推陳出新皆非故物此理甚確願與達者證之

### 飲酒歌

僕素不能飲而頗知酒趣三蕉之後醺然與酌一斗者同其適也讀芝巖飲酒詩雨窗無聊輒復引滿醒後戲和一首

飲我酒歌我歌俯仰日月如飛梭昨日紅顏今鬢皤  
樂苦少憂苦多駿驥之冠高我我諂諛未足償詆訶  
貴空悲春夢婆不如且倒金叵羅歌我歌飲我酒人生

幾箇能不朽莫思翰墨侔鍾王莫說文章配韓柳春蠶  
作繭把身纏蜜蜂成蜜供人口不如兀兀飲一斗天刑  
可以脫械梏螟蛉果羸空自豪胡蝶栩栩堪作友朝來  
荷鋤訪劉伶午後投牀覓莊叟相期竟造無何有

老態

老態遽如許流年去似飛眼昏書字大氣短語聲微步  
月嫌腰弱簪花感髮稀魯陽今不作斜景若爲揮

讀太平廣記雜詩

三寸純鉤一葉身銛鋒慘淡氣輪囷青山若箇堪偕隱  
只合相攜淬鏡人

隱孃

直將奇氣囑司空喜得佳人逆旅中  
刷馬鑪前看斂袂

始知一妹是英雄

紅拂

金波如鏡夜三更深院微聞歎息聲  
不是崑崙能報主

良緣無復望今生

紅綃

寄跡青衣十九年殊恩酬了謝塵緣  
餞行我若參吟座

投筆相從便學仙

紅線

五色瑤箋字半斜相逢咫尺渺天涯  
人間無限沉淪苦

何處重尋古押衙

無雙

鸚鵡無言漏點長夢迴紅淚有千行  
人生離合由天定

多事偏銜十一孃

小玉



文綱庵荷笠遺像

先生爲衡山後  
人生於明末

虛堂讀畫洗煩蒸  
心跡壺中一片冰  
最是南雲詩句好  
愛閒多半似山僧

圖成乙卯又庚申  
二百年前一逸民  
畱與清門覘世澤  
西山原有采薇人

蔣立崖蒼茫獨立圖  
用卷中孫淵如韻

匹馬輪臺自往還  
詩名早歲動江關  
收身退谷杯湖裏  
得意長松怪石間  
剩有雄心消蠹簡  
閒將倦眼看雲山  
羨君七十神逾王  
雙鬢年來尙未斑

余於庚戌探梅鄧尉  
有詩記游翟雲屏作圖金

二雅范芝巖張東畚皆有和章裝成卷軸自  
後辛亥以至甲寅無歲不遊亦無歲無詩也  
閒窗偶閱復用前韻蓋不遊者六年矣

尋芳載酒憶年時老去人間百不思  
撈散自憐同漫叟蕭閒人擬似天隨  
頽齡急景閑中覺幽澗香風卷裏吹  
滿筆微吟還獨慨負花六載已無詩

龔匏伯哀詞

前年湖上泊猶記到君家又灑知交淚  
能無遲暮嗟政應留渤海文可付侯芭  
未得生芻奠哀吟急景斜

吳少甫哀詞

童年相識看騰達去年八月君寄和隔歲開函感別離余六十自壽詩

花滿豐臺春澹蕩余丙辰春復入京師少鵲啼閣道路

威遲君為四川學政署號鵲客余惡其搏沙散手吾增

慨翦紙招魂子豈知京國故人今漸少為搜陳篋掇遺

詩余彙昔日知交之詩未成專集者付梓名曰同岑偶編

千人石獨立

此石閱人多我亦時登眺回看石上人視我年皆少

徐緯堂孝廉眉泉觀瀑圖

滌煩拂拭舊題名泉邊石壁余曾題字曰滌煩洗盡塵心是此聲不

礙奔衝下山去出山何異在山清

分來玉乳到山房小築三間似野航憶向沙頭望山頂  
碧波飛濺白雲涼

余於山下泉水縈帶之處築室三楹題曰綠晦山房開窗北望正對畫眉

泉也

杜梅溪大令招同孫孝廉趙秀才看芍藥賦詩

疊韻孫夫人席韻芬趙夫人屈秉筠各和韻  
屈併寫闌梅溪裝成卷軸索余題詩

廿年不見梅溪面今日披圖引我思想見玉山佳勝處  
洒香花氣撲簾時

韻芬詩筆擅清新同調香閨大有人璧合珠聯雙翠管  
爲君留住草堂春

妙智庵觀姚少師像

詩集曾披御製詞古庵來此訪遺碑錫飛誰遣逃虛子

少師詩名逃虛子虎嘯來興靖難師北郭社荒餘白草

集明文皇為製序北郭十友相城豕敗長茅茨殘僧衣鉢憑絲管軼事前

少師與焉朝總不知庵僧皆習絲管名曰佛曲

八月十二日遊華山小憩積翠寺

松風引我入雲煙夢想天池二十年天池為山最高處古有天池寺今廢

磴道盤空開淨域寺門環翠俯諸天詩僧未盡多生習

僧妙昌以秋士來參無隱禪方丈木樨一本相傳為宋時物花開極繁小坐

新詩呈石闌聊啜茗勝遊能果是前緣向與彭尺木汪愛廬談華山鳥道並天池之勝

皆云路極峻險難上思遊者屢而未果今始得遊之

中秋日芝巖招同抑亭默齋畏堂飲於園中風

雨不止和芝巖韻

姮娥不肯放清光似妬詩人興太狂良夜最歡來舊雨

閨年早已作重陽事因有意期難果

十四日芝巖預訂飲後步月故云

交到忘形味轉長留得溼香供細飲勝他艇子泛山塘

十六日抑亭招飲白公祠復用前韻

登艫出郭盼晴光今日天公助我狂篷背潤猶含宿雨

山頭開已透初陽行厨花下追歡好畫舫欄邊引興長

戀賞不知歸路晚玉盤遙指湧銀塘

葉竹虛道士載鶴圖

埽除塵夢揖浮邱身世真同不繫舟  
載得胎仙何處去詩情澹似一天秋

供菊三松堂留客小飲輒題

老夫懶看山塘菊兒子攜歸百本香  
收拾秋光依曲几招呼閒客坐茅堂  
開來天意憐遲暮冷處人情愛久長  
裛露掇英吾不惜一花準擬一飛觴

杜梅溪見示餞春疊韻詩刻卽用其韻奉柬

聞說花開婪尾時高齋清讌正相宜  
賞心兼有詩書畫韻事何須竹肉絲  
人世忙閒原自取吾儕臭味本無差

玉盤孟韻曾三疊陳迹回頭愴夢思

乙巳歲余居京師芍藥花開用東坡

玉盤孟詩韻作詩星橋嘯崖少甫皆疊韻和之今星橋歸掌珠湖書院嘯崖少甫皆歸道山矣

閉門又是菊花時瘦影偏於病客宜最喜新篇吟杜牧

爲譚往事憶袁絲

卷中女士席韻芬袁簡齋詩弟子也

看來開落微分別

會得逍遙何等差他日清香凝燕寢可能疊韻慰相思

時梅溪又將出山矣



三松堂集卷十四

始庚申秋至辛酉秋

吳縣潘奕雋榕皋

感舊詩

武進程文恭公

橫街有老屋相國最清貧但得抒忠悃何妨守質眞應

門唯一僕私謁更無賓

公退食暇輒手一編賓座塵滿門生故舊亦無有敢干以私者

歲首辛盤會還招梓里人

公原籍歙縣每于正月召同鄉歡讌竟日奕雋亦以原籍

與得

諸城劉文正公

鎖院開門日

向例鄉會典試官不得與外相通辛卯公典試禮闈以承審事開門令內閣侍讀嚴

長明至闕中灤河獨對時癸巳上幸熱河公留京  
而人無異議辦事召至行在獨對移  
時卽廉能絕物議公不畏人疑得謚真無忝承  
命還京恩在勿欺西州感華屋揮涕豈因私

涿郡馮文肅公

金吾官自貴習靜愛三餘雋登第日公以侍郎兼九門  
呈既謁公於私第有任劇才能副名高心轉虛公管轄  
舊業不可荒之勛提督爲讀卷官以雋策進  
而處之極暇長身山立聲如洪鐘有凜凜不可犯之色  
而接見談論極風雅和藹論詩於時賢極推重不中錢  
蔣石杜蘇今渺矣公論詩以學杜忌艱澀學蘇忌滑易  
先生杜蘇今渺矣當以杜入以蘇出示讀夢堂詩集皆  
嚴謹渾厚騰達命何如雋於戊戌奉太夫人諱公賻之  
無愧杜蘇騰達命何如服闋補官有望汝騰達之語不  
兩月又奉先尙憶歸帆坐言詩逼歲除  
贈公諱歸里

長白德大宗伯

歐陽門下士白首歎無成 上苑花長好

公屢典春闈  
榜發奏對西

苑雋至別墅謁見以得士為慶  
未嘗不以額溢遺珠為憾也

南池月自明

庚子秋服  
闕北上公

為漕督駐濟甯召飲南  
池月中遣騎送至舟次

鳳毛規世業

公子煦齋今  
官內閣學士衣鉢

負今生手澤珍遺墨泠泠玉韻清

公嘗手寫  
新詩見寄

長洲彭大司馬

尚書年八十鬚鬢未全蒼

北闕訐謔遠南園歲月長

公六十歸田又

老猶耽翰墨音但愛松篁

公於文史泉  
石外絕無他

好

餘慶孫曾集綿延正未央

公一門科第相  
繼顯貴於時

高郵任吏部

基振

松齋如璞玉薇省早相於官冷能勤職家貧藉課書君退

直暇以課無心戀簪紱常日註蟲魚註爾雅有雅意留

屏際風蘭葉葉舒君自命畫蘭能手贈

日照蕭檢討九成

文淵同退食玉尺其論文丙午鄉試余與檢討奉使畫

筆謙師我君善六法始學畫時嘗與余詩才敏遜君談

心神慘淡錄別意殷勤虛有勞山約長天卷片雲君談

之勝相訂歸田後同游

閩縣鄭內閣學士際唐

瀛洲十九載時至歲三遷君為己丑同年至丁未湘水

胎吟什汾陽贍手箋

君典試湖南歸視學山西

奇文摹頡誦謔說訂

郢燕記駐西郊騎澄懷訪鄭虔

君長于篆籀校勘金石最精核澄懷園上書

房下直邸寓也

吳縣張舍人

墳

舍人官不達老去意頽唐淚灑微波榭魂歸四雨莊物

情供一笑心事付千觴九十成虛語將母麴藥傷

君與曲阜

孔農部繼涵交最密孔逝後君意氣漸衰微波榭孔氏書舍四雨莊爲君先世舊居今廢詩中每念之不置君善笑能飲豪情逸氣不可一世余故善病君嘗寬解之曰我輩年壽約以九十爲率及余歸里後詢及近狀亦無復當年意氣竟病肺癰卒

興化任御史

大椿

任子來興化驚才壓輩流逢時無媚骨汲古得源頭天

與年庚蹇人知品學優銘旌書御史何補一生愁君在儀曹

極為上官倚重而遷轉甚遲含殮之日家無餘財

元和江徵君聲

老成紅豆謝師說守江君

君為惠定字先生弟子世所稱小紅豆也作字無

新附箋書屏古文

君篤信說文作字參用篆體人還嗤屏黜新附註書經不從孔傳

樸學世已重方間

君以孝廉方正薦授六品職此日三吳彥能無憶

叔澧

吳縣汪上舍縉

文章與福命豐裔本由天拾芥童年技

先生小試輒高等踏省門屢蹶

研朱晚歲緣

註周易私記成書未刻

豪情同俠客冷面類枯禪昨

夜楓橋泊聽鐘意惘然

先生居楓橋寒山寺之東

長洲胡待詔

士震

一第將人誤微官歎數奇  
仇離生抱恨留滯死含悲遺

橐供蟬鼠荒墳長棘茨  
朋交有達者振起望孤兒

君舉壬午

鄉試卽留京師前後幾二十年家業日落後官翰林待詔爲人校書屢蹶春闈歿于邸舍

### 題唐陶山明府枯桐詩卷

孤標絕塵跡淵抱含冬心  
風泉雲壑間歲月亦已深從  
來杜德機甯復嗟湮沉異地  
結遐契希聲流元音落落  
奇士懷澹澹幽人襟顯晦信  
有時拂拭徽黃金何當三

五夜窮渺絃新吟

十月二十二日獨遊呂仙祠

支公海上去歲晚未言歸徑曲寺門靜山寒遊屐稀浮  
生嗟役物一壑可忘機會待梅花放還來款竹扉

范芳谷得子詩以馳賀兼柬芝巖時芳谷往楚

中

商瞿年五十佳氣昨充閭喜送雲中雁歡騰漢口魚明  
朝索湯餅計日付琴書英物啼能識聲聽墮地初

汪蓮亭水部招飲山塘出示雲無心以出岫鳥  
倦飛而知還卷子索題



英庭五色騰輪囷，雖啗梧鳳鳴。青春省郎鵠，立依紅雲。  
窗間夜聞呼孔賓，一枝柔艣破白蘋。欲與沙鷺棲煙津。  
花橋老圃濩落身，十年歸臥荒江濱。有扇不受元規塵。  
喜子來作東家鄰，山亭促席共飲醇。狂言不怕俗士瞋。  
雞蟲得失徒紛紜，仰天大笑酒半醺。白雲一片涼墮巾。  
翩翩逸翮誰能馴。

書宋忠烈公崇禎三年鄉試卷後

百年故紙見精神，鍼芥師生結契真。

是科主試爲  
新建姜公

始信

科名能得士可憐，中外已無人籌邊。矮屋先幾識報國，  
南門盡瘁身想像。英靈來恫怛，丹心碧簡氣嶙峋。

七友歌

并引

昔竹溪有六逸竹林有七賢吳中北郭有十  
子至今稱焉而顏光祿五君詠少陵飲中八  
仙皆以詩篇名垂於後歸田以來頗事文譙  
今茲長至偶招素心因放山谷老人體作消  
寒七友歌

平江路上春未歸三家村中雪已飛元真之齋歲寒友  
翩然惠我拳書帷高梧隕霜碧影瘦老梅敲壑紅葩肥  
知君松桂本無慕桑榆暖處來相依

芝岡

翰林昔日京華居與我並校文淵書蒲颿半幅先後

挂十年相伴婁江漁浮生栩栩俄遽遽百榼嗑嗑計不  
疎湘船鵲客嗟已矣翠庭星實悲何如

芝巖

玉峰刺史居長洲罷官黔南政績留心空初無冰炭入  
才大不拒親朋求揚州一病勿藥瘳歸來促席聊獻酬  
君家食品我所飫腐儒粗糲慚珍羞

抑亭

士龍才調宜臺閣藉甚聲名初入洛年來閉戶擁青瑣  
懶看翻階紅芍藥崢嶸歲月奔輪馳幾輩校書復著作  
相逢且覆掌中杯簾外霜濃風卷擲

默齋

吾家子由家北郭掘地獲石瘦有紋好事小軒開面石  
我爲題額名歸雲閒雲舒卷本無意清切曹司曾小試

問君呼友中聖人何似蔽囚環黠吏

畏堂

蔭松松色能怡情主人壯歲捐浮榮一經傳家有兒子  
校士六詔官聲清軒前蠟梅昨初放亞枝山茶並我餉  
當杯香味如蜜甜莫言戶小辭家釀

雲浦

水雲漫士真漫郎學稼喜過年豐穰閒時墨池事遊戲  
自詡筆力追鍾張東塗西抹歲云莫左餐右粥身其康  
二三子者不我遠相與終老菰蘆鄉

榕皋

爲張用蕃題其尊甫東畬同年山水障子

故人不見已三年翰墨今生信有緣想見江山驅腕底  
恍疑談笑接風前虛堂素壁飛晴翠荒徑寒林起暮煙

我爲題詩增悵惋餘芬付與後賢傳

默齋招飲一枝軒

漸老身還健聯吟歲又闌酒人甘戢影詞客愛雕肝書  
許更番借花邀次第看庭階饒喜氣新茁一枝蘭

題吳竹虛苦茶僧二十五首詩後

瓦山有吟客病起但耽吟靜自得真味閒能生道心泉  
流松下石風入壁間琴近日無同調寥寥懷谷音

顧南雅孝廉將試春官出從遊赤壁圖索題

山高月小霜華白有鶴橫江破空碧古人往矣留古蹟  
不能從遊嗤二客心香一瓣是坡仙後生何必輸前賢

莫羨還家謀斗酒待圖歸院攜金蓮

攬鏡

攬鏡憐雙鬢揮毫署四休何妨醺癡舞不夢穴車遊晴  
郭紅梅綻春溪碧草抽來朝約閒侶便放石湖舟

除日蓮亭送盆花

和風扇南國花圃春先回庭前老梅瘦未有羯鼓催我  
友惠好我走送煩興臺幽香拂琴几古艷浮尊罍懿茲  
出世姿自具和羹才水仙山礬弟亦復兄視梅天竹垂  
丹實燦若火齊堆一一羅坐隅使我沉襟開木瓜感厚  
意欲報無瓊瑰裁詩詩未就且進屠蘇杯

殘歲去似蛻老懷閒於僧偶邀素心人市坊去買燈歸  
來拜嘉貺名花致良朋懸燈復供花喜氣臧獲騰花光  
與燈光春意一室凝東鄰富餽歲耀座翻綺繒西鄰貧  
守歲儲甕乏斗升不富亦不貧老夫荷天矜酸寒賴君  
慰立達力未能安居逢樂歲擊壤歌豐登

喜雪歌和支山

春回漸喜寒威挫驟熱生風愁堀堞雷聲昨夜殷地鳴  
雪片今朝如手大侵帷映几色晶瑩冒棟穿簾勢掀簸  
典衣鄰媪凍欲僵憂旱村農走相賀麥苗滋潤菜苗肥  
今歲吾民可無餓騷人清興發園林忍凍孤吟高閣坐

銀杯縞帶陋陳言  
抽秘長謠索我和  
我懷忽憶晉公軍  
此際歡聲騰將佐  
鵝鴨喧鳴劍戟寒  
擒渠定撤巡邊邏  
元和聖德淮西碑  
濡染淋漓應繼作  
又聞五風十雨玉  
燭調不及堪虞亦  
忌過祥雲應候兆  
豐年何異如膏塊  
不破垂老曾無康  
濟謀投閒但把陰  
晴課詩成稽首謝  
穹蒼扶桑曜采陽  
和播

爲丹徒馮秭生題潘蓮巢畫卷時蓮巢已下世  
巧偷豪奪笑前人  
持贈良朋結契真  
愛畫莫嫌偏有癖  
三生原是水雲身

白雲無盡水悠然  
領取山居味十年  
那得蓮巢重握管



卷裏頻添哭友詩。鵲白鳥黔甯變化鶴長鳬短任差池。  
憑將丈室泠泠水照見餘生了自知。

底事揮戈問魯陽。任他白日去堂堂。此生未免多情累。  
已老猶爲好事忙。不信鸞鴈同競鼠。早知臧穀等亡羊。  
季咸莫更誇神術。得喪年來已兩忘。

上巳與汪甥文蕙子世璜同遊師子林有懷江  
夏昆仲並柬寄小迂

佳辰憚遠涉。覽勝園林宜。嬉春皆少年。自笑翁何爲。此  
間地非廣。奧曠能兼之。怪石與長松。高下呈奇姿。游魚  
唼暖波。好鳥啼蚪枝。風和天宇清。俛仰心神怡。因思內

史敘卽景非虛詞  
昭明強解事  
墟見良可嗤  
我來似脩禊  
照影臨清池  
石闌坐移時  
聊息足力疲

流覽欣茲遊  
徘徊念往迹  
溯昔園主人  
與我敦莫逆  
飛騰伯與仲  
相繼注朝籍  
搏沙聚散殊  
驚電幽明隔  
乃知園林主  
真是園林客  
松間石丈人  
哀我鬢亦白  
季氏最晚達  
鹽車驥伏輒  
似聞苜蓿盤  
未足飫晨夕  
甯爲良醞戀  
可惜美景擲  
何年重偕余  
啜茗對松石

立崖司馬於戊戌歲假歸吳門  
寫行看子題曰  
天遠歸雲繼之任楚中旋有輪臺之行逮丁  
未歲歸里而是圖已失令弟賓嶠購之市中

立崖重裝屬題

蔣侯持圖索我題  
滄滄白雲起尺幅云是良工爲寫真  
驚心光景奔輪速  
憶昔人歸晝錦堂  
扶簷碧樹新於沐  
逸興蕭疎寄暇晨  
英姿颯爽流遐矚  
溪藤散彩頰添毫  
斐几湘簾幽賞足  
紅塵滾滾歲堂堂  
過眼雲煙甯省錄  
飄零流轉幾經春  
收度何人秘深櫝  
阿連購贈意良厚  
紙色淨如手未觸  
當時寫圖亦偶耳  
誰料先幾若預卜  
天遠曾穿塞北煙  
雲歸仍戀吳山麓  
敕勒川邊秋草黃  
晴川閣下江波綠  
船舫馬脊夢模糊  
蒼狗白衣紛滿目  
人生行止或使尼  
得喪悲愉互倚伏  
君今七十正康強

白日照雲臥繡谷晴窗故物重摩挲何異楚弓與鄭鹿  
題詩作記憶前塵失馬塞翁真是福因君我亦念行藏  
輪蹄半世空馳逐老矣身同退院僧童焉心似新生犢  
閒雲一片許相依二老風流庶可續試問爲霖天畔飛  
何如含雨巖前宿

重過海會寺

扁舟物外果幽期正是清和首夏時坡老蒲團惟坐睡  
義公禪宇可題詩林間刷筍晴煙散竹裏烹茶旭景移  
坐久此身忘去住榜人莫訝客歸遲

舟行蓼葑之間見水中有以竹爲圍覆之以草

者舟子曰是名爲罟魚入不能出取之巧而甚逸也慨然有咏

吾吳本水鄉繞郭波環帶水族之所居涵濡無小大何人思竭澤儼作水中寨布之竹叢叢覆之草薈薈其利獲以逸其害乘所昧苟或入其中莫能逃乎外因思宇宙間俯仰是機械偶然性有嗜遂與禍機會炳燭誰幾先臨風發長喟

夜坐

一氣存中夜無爲得自然聲希聞地籟味淡酌天泉未要河車轉先教害馬捐道芽能自養口訣亦言詮

三才集卷一  
杲堂劄筍同飯并呈新詩

幽人甘寂寞  
逖跡入緇林  
閉戶不尋友  
吟詩惟寫心  
我來忘世味  
坐久靜塵襟  
日落泛歸櫂  
門前煙水深

杲堂錄寄新詩皆清雅可誦其庵居三首尤淡

遠有味和作一首

一水隔城市  
十年長掩關  
荒階無客過  
高樹有禽還  
春到筍初茁  
天空雲自閒  
因知遠俗者  
不必入深山

張蘭沚廉訪擢任晉藩用范芝巖編修韻

吳天蔽芾仰棠陰  
傾耳三年來暮吟  
能以從容移積習  
每因談讌挹冲襟  
官清素稟趨庭訓

恩重難紓報 國心申命

宸衷垂注切要令垓宇遍爲霖

雲山三晉鬱嵯峨五馬當年膏雨多襦袴蒼生還企望  
旌幢青鬢又經過金從冶化功惟漸水逐孟方論不磨  
爲問東華舊鴛侶遺風唐魏近如何

金筠莊觀察張小令太守余內閣同

官皆公同年友也

揮毫 朶殿日遲遲藉甚聲華早歲馳下水船爲同輩  
服洞簫賦已

九重知古稱灑落君臣契今遇

明良際會時此去屏藩資幹濟他年心膺倚論思

軾轍才名海內聞

伯兄鄂樓觀察以軍功賜花翎

鄉邦地近比榆枌

廿年契密真慚我兩世情深最荷君

公於余兄弟爲館閣同官姪世恩爲

館後進子世璜乙卯會試又出門下

耳熱頻聽宣

紫誥肩隨猶憶侍紅

雲重來後會期非遠惜別能無戀夕曛

嚴香府自寫行看子索題

宦退身如退院僧墨池猶自興飛騰詩名一代常盱眙

畫筆千秋王右丞三泖五湖尋釣侶

君松江人

青山綠水挈

行勝

君常寓虎邱青山綠水山塘二橋名

看君六十神逾旺束帛元纁應

尙能

君常以畫冊進渠寶笈故以

徵召期之呈選入石

送雪槎族叔之和林格爾巡檢任



京國十年住宦情知已闌歸來喜捧檄此去勸加餐身

健輕長路家貧仗一官關門嵐翠擁立馬憶頻看

奕雋於丙

午三月扈輦五臺山出固關俗所謂長城嶺也嵐光樹影目不暇賞正叔此行必由之路

### 曉晴

曉晴曳杖步莓苔喜有松風拂面來懶向東郊看桃李

一邊零落一邊開

### 綠陰

綠陰庭院日遲遲誰識當年杜牧之吟罷新詩應獨慨  
枕中春夢不多時

蔣雲菴孝廉集陶淵明歸去來辭作詩見贈次

韻二首

物役幾時息委懷命賦天雲心悅歸鳥春事問農田經  
壑或攜酒就松還酌泉親知不我遠嘯傲倚風前  
老矣復何悵遺榮聊任天人情向雲路我願事心田中  
酒窗搖菊膝琴風引泉衡門良可樂遊息憩庭前

夜泊崑山城外訪吳搗齋不值

蕩舟出東郭瀾渺沙河平片帆整復斜天氣時陰晴榜  
人怯修途日落不敢行輟棹艤渡口疎林隱孤城濛濛  
煙澈雨脈脈懷人情徘徊夜已半林外涼蟾生

青浦道中有懷王述庵侍郎

憶從漁隱別王維

去年正月雪中招飲  
袁氏漁隱小築中

夏首開函讀和

詩

今年四月接  
和生壙詩

欲向聞思叩精舍

聞思精舍公讀  
書齋余爲題額

萬松

煙雨夢迷離

公主敷文書院講  
席院在萬松嶺

舟行無事復用雲篋韻集歸去來辭

請告自爲樂安心奚問天憂來時命酒老去不求田風  
引入雲棹觴流歸壑泉微生知是寄已矣悟生前  
三松邱壑竊遊憩樂吾天怡老將何策爲生猶有田壺  
時酌菊酒棹或入雲泉迷復夫奚恨余非已悟前

### 北幹山道中

層坡疊阜堆新綠平遠篷窗開短幅沿流兩岸水車聲

柳陰老翁叱黃犢煙林漠漠竹青青小橋一葉扁舟橫  
枳籬荻岸門常閉吾疑中有惠陽亭

青浦歸棹遇順風

岸闊風颿駛篙師喜欲顛孤村暑雨外野店夕陽邊竹  
色圓茅屋蛙聲沸稻田篷窗無箇事長日枕書眠

蔣梅厂招同李松雲朱蔬坪范芝巖蔣立崖雲  
篋集白公祠雲篋復用前韻集歸去來辭因

和一首

邱壑有微趣登臨眄遠天憂懷舒引棹樂事得歸田翳  
翳入雲鳥涓涓流經泉時光容易去遊憩話春前

松雲  
談往

歲春月建造祠  
宇相地始末

題夢因圖爲黃家鳳

處世若大夢吾聞達者言  
佗喬不可親塵寰苦喧煩  
茫  
茫邯鄲道昔歲曾停轅  
呂仙去已久荒祠餘蘭蓀  
廿年如一夢夢覺何由分  
羨君夢同覺歷歷遊仙源  
仙人付密諦語語清心魂  
疑爲長官靖或是蘇門孫  
回看世上人何異蝨處禪  
歎君具仙骨知君有夙根  
吾衰甘自廢五蓋嗟糾紛  
因君發覺悟一氣中夜存  
琴心旣三疊胎仙舞翩翩  
何時鶴和軒

夢中所遊地也

同讀丹篆文

題唐六如滄浪圖卷卽用卷中沈石田韻

六月門前暑氣多，掩關吾欲學蘇何。  
簾間修竹夏清響，檻外白蓮搖素波。  
放意且看居士畫，會心誰聽濯纓歌。  
城南亭子今猶昔，準待西風涼冷過。

鮑雪樵采芝遺照

松陰覆地松花香，采芝深谷聊相羊。  
清泉白石歲月長，出機入機不可詳。  
僊僊乎歸從雲將，披圖尙見鬚眉蒼。  
余懷渺矣松風涼。

題秋夜讀書圖卷爲何澹園

一抹明河瀉遠天，秋聲館裏夜如年。  
主人大有耽書癖，未信今人讓昔賢。

老學庵中漏點遲一編猶記下吟帷回頭萬事成陳迹  
只有青燈似故知

題何夢華蠹蝶冊

童佛庵篋中有故冊爲白魚所齧細視鑿空  
處栩栩然蝴蝶也以遺夢華夢華裝成小冊  
索題

栩栩真疑羽化仙幻形猶自戀芸編笑他食字成規者  
未結莊生夢裏緣

桃花鵬唐六如先生祠墓歲久頽廢陶山明府  
重爲修葺賦詩四章余未和也辛酉八月上

澣二日偶然獨遊小憩桃花仙館得詩如數

卽次原韻

綈袍瓦罐話前塵

交遊零落綈袍冷風雪欺凌瓦罐冰先生漫興詩句也

老屋荒

阡喜就新一事廢興真有數此生行止豈由人壺觴不散幽憂疾花月能娛放浪身試向東風酹杯酒天桃何似昔時春

折除官祿是才名咫尺滄浪帶水清兩地風流同不朽百年恩怨最難平人間何物都元敬海內知音祝允明濁酒滿瓶花滿眼未妨絃索送浮生

地下何須歎數奇憐才曠世有心知放懷早悟如如旨



感遇曾賡悵悵詞

余昔年有弔先生墓用先生悵悵詞韻詩一首聽說深亭營

廢豕欣看彩筆賁新祠他時盛事傳吳會燕寢清香憶

左司

仙館依然傍佛燈閒將往事問殘僧三生幸接枌榆社  
半偈來參大小乘茗啜晴窗領法乳碑珍遺墨拓溪藤  
祠屋桃花庵歌先生自書古名秀逸非近人所可幾及從搨碑者購一本歸何當十笏分餘  
地長此齋居養絳陵

題祭書圖爲黃堯圃

昔齊隱士臧榮緒陳設五經肅拜之甄明至道著序論  
重是先聖所留貽君言往哲餉我厚拜手稽首徒虛儀

高齋精禋庶答貺欲以脯醢明其私今人不作古人事  
我自作古人或嗤豈知一氣默相感肸蠁彷彿儼格思  
芸編秘冊羅秩秩敢曰糟粕神明離禮緣義起卽祭法  
一任下士嘲書癡新圖長篇妙摹寫苦茶庵畫貞蕤詩  
圖爲秀水吳竹虛寫竹虛自號苦茶庵僧卷中有朝鮮  
國奎章閣檢書樸齊家古詩一首極典雅樸自號貞蕤  
士嗚呼小儒工發冢控頤別頰歌陵陂思原報本義已  
昧何異來耳忘宗支有其舉之莫可廢是典君創吾當  
師

題馬湘蘭畫蘭冊

湘簾紫几日遲遲修竹嫵媚碧薜滋想見晴窗擅妙腕

拈毫和露寫風枝

金鏡湖舟夜

金鏡愛湖名秋高夜氣清天隨兩岸闊月送一舟行滅  
燭光堪掬憑闌露已盈

堯心憂可釋南國慶西成

時北方被水災黎甚殷而吾鄉

聖心軫念秋收豐稔

故喜誌之

雨中唐陶山招同王述庵李松雲張雪樵萬廉

山方筠亭范芝巖蔣立崖瞿花農王仲瞿一

榭園賞桂

爲赴小山約因成曲徑遊濃香團丈室溼翠入層樓秉

燭且爲樂飛鳥何處留厭厭吾旣醉不待酌言酬主人  
未至而余與芝巖  
因道遠先起故云

九月十三日偕蔣雲簪孝廉陶鳧薌秀才山塘

看桂喜遇程愛廬侍御

林巒天與助清狂寒露花過尙有香偶其門生浮短艇

喜逢閒客話斜陽雲泉風壑

劍池米襄陽題字

秋逾好驄馬籃

輿味孰長寄語披垣舊鷺侶此間鷗鷺也成行